



UNIVERSITÄTS-
BIBLIOTHEK
PADERBORN

Analysis Methodica Ivis Pontificii

Venator, Daniel

[S.I.], 1579

VD16 V 541

De Alienatione Ivdicij mutandi causa facta. Titulus XLII.

[urn:nbn:de:hbz:466:1-63204](https://nbn-resolving.de/urn:nbn:de:hbz:466:1-63204)

222 ANALYS. IVRIS PONTIFICII
DE ALIENATIONE IVDI-
cij mutandi causa facta.

Titulus XLII.

Continuatio.

EDICTUM, de alienatione iudicij mutandi causâ factâ, speciem restitutionis constituit: qua prospicitur omnibus, in quorum damnum & præiudicium possessiones, vel res, de quibus mōueri quæstio timetur causa mutandi iudicij futurum, in alios transferuntur.

*Quid est alienatio iudicij mutandi cau-
sa facta?*

Alienatio iudicij mutandi causa fieri dicitur, cùm quis credens, se ab aliquo conueniendum reali actione vel personali, quæ in rem scripta sit, dolo malo, iudicij futuri mutandi & vitandi causa, dominium rei in alium trāsfert, l. ex hoc ff. eod.

*Quid fieri dicitur mutandi iudicij
causa?*

Mutandi iudicij causa fieri dicitur, cùm moleſtior aduersarius subjicitur, aut alia ratione agendi conditio durior sit & deterior, l. 1. 2. 3. & 4. ff. eod.

Quæ causa Efficiens?

Causa efficiens huius prohibitæ alienationis est dolus debitoris, actione reali, vel personali in rem scripta, cōueniendi, l. item si res, §. hęc actio, ff. eod.

Quod



Quod Obiectum?

Obiectum est, res, super qua cōtrouersia moneri timetur, siue sit mobilis, siue immobilis, siue corporalis, siue incorporalis.

Quæ Forma?

Forma alienationis, ut producat effectum, actionem in factum; desumitur ex tribus ad illā actionem necessariō requisitis, 1. Ut fiat alienatio causa mutandi iudicij futuri & non præsentis, quia alienans rem litigiosam incidit in editum, de litigiosis, l. vlt. C. de litigioso, 1. ex hoc edicto, ff. eod. 2. Ut dolo fiat alienatio, ratione loci, vel personæ: ut si duriorem agendi conditionem opposito potentiori, vel alterius prouinciae aduersario nobis fecerit, l. 1. & l. 2. ff. eod. 3. Ut nostra intersit, fortè, si quis fecerit impensas, vel aliam incommoditatem ratione alienationis factæ, vel potentioris aduersarij substituti passus fit.

Qui Effectus?

Effectus est, actio in factum: quæ restitutoria est, & rei persecutionem præstationemqüe eius, quod interest, alium aduersarium habuisse, arbitrio iudicis continet. Dabitur autem hæredi, & in hæredem, vel similem, quatenus ad eum pertinet: Non post annum, quia, licet pertineat ad rei persecutionem, tamen ex delicto, hoc est, dolo & fraude alienantis, competere censetur, l. item si res, §. haec actio, l. vel similem, l. vel post annum, l. quia pertinet, ff. eod.

Quæ

*Quæ causa Efficiens actionis
huius?*

Causa efficiens huius actionis in factum, delictum, vel dolus alienantis.

Quod Obiectum?

Obiectum est, alienatio rerum mobilium, immobilium, corporalium, incorporalium, qua alienandi, & distrahendi legibus & Canonibus concessa facultas est.

Quæ Forma?

Forma est, quod si quis, alienando rem, alium nobis aduersariū suo loco, data opera, & in fraudem nostram, substituerit, in factū actione, quanti nostra intersit, alium aduersarium nos non habuisse, conueniatur, l. i. ff. eod.

Quis Finis?

Finis est, ne alterius conditio, litigandi facultas ex alieno facto fiat deterior, vel dolo debitoris & possessoris rem alienantis remoretur & impediatur.

Quis Effectus?

Effectus actionis est, ipsa restitutio, non tantum rei in fraudem alienatæ, sed etiam ipsius interesse, quod nobis, ob factum debitoris, defuit.

Quod Cognatum Alienationis?

Affine alienationis est, cessio: differunt tamen in hoc, quod alienatio futuri iudicij causa fiat, cessio autem, lite pendente, & durante iudicio, fieri contingit. Cuius effectus est, actionum directarum translatio: quod cui cessare sunt, eas nomine suo intentare possit, licet secus sit, si, absque actionis

actionis cessione, nomen ematur. Emptor enim
utilibus tantum actionibus tunc experitur, i. em-
ptor, C. de hæred. & act. vend.

Quæ Cognata actionis in factum?

Cognata actionis in factum, hoc loco, sunt,
omnes vindicationes, actiones mistæ, & persona-
les in rem scriptæ, Cuia obser. lib. 10. c. 3. per l. 24.
§. vltim. ff. communi diuidundo. Et quo ad re-
stitutionem, omnia edicta, & interdicta restitu-
toria.

Quæ Pugnantia?

Pugnantia sunt, necessitas alienandi, ignoran-
tia iuris petitoris, vel defectus iuris debitoris:
Ut si possessor, absque dolo, ex necessitate igno-
rans, petitorem ius in ea habere, rem alienet: vel
si sciat, ipsum ius autem, vel per usucaptionem,
vel alio modo est extinctum, 2. Si inchoatum
fuerit iudicium, vel res facta litigiosa: quod fit
per citationem, libelli obligationem: aut alio mo-
do, causa mota in realibus, sicuti litis cōtestatio-
ne in personalibus, glos. & Bart. in l. 3. ff. eod. De-
nique cessatio interesse, si, videlicet, & quæ contra
tertiū possessorē agerē possit, nec petitoris inter-
fit, contra alienantem actionem dirigere, glos. &
Dd. in l. 2. & auth. litigiosa, C. de litig.

AXIOMATA ET SENTENTIAE.

*Delegata iurisdictio non potest prorogari ad perso-
nas alias, in rescripto non comprehensas, glos. in cap. 1.
extr. eod.*

Clericus, causa mutandi iudicium, non debet recipi-

P re ces-

226 ANALYS. IVRIS PONTIFICII
re cessionem à laico c. ex parte.

Edictum de alienat. iud. mutand. causa ad futura iudicia pertinet, cùm quis metu impendētis litis alienati, vel alienatione duriorē aduersarij conditionem reddit, cap. 1. extr. eod. & ibi gloss.

Fraudem non committit, qui iure suo vtitur, gloss. n. 6. 1. & extr. eod.

DE ARBITRIS.
Titulus XLIII.
Continuatio.

LItigatores quandoque, sumptūs, alteriusq; lex contentionibus proficiscentis incommodi vitandi gratia, vel etiam odio protractionis litium, controuersias, sub stipulatione certæ pœnæ, vt eius metu à placitis non recedatur, alicui, vt viro bono, dirimēdas, per compromissum committunt.

Quid Arbitrium?

Arbitrium est, potestas de causa controuersi cognoscendi, & pronuntiandi, partium consensu, sub stipulatione certæ pœnæ, vt sententia sentitur, vel à lege, vel Canone alicui, qui arbitriū recipere potest, tributa, c. perpetuas, &c., cap. 1. ext. eod.

Vnde dicitur Arbitrium? & quid significat?

Arbitrium, dicitur ab arbitrando, quasi arbitr̄ ex æquo & bono de causa per compromissū commissa arbitretur & statuat: Et significat sententiam boni viri iuris formulis, & angustijs solutam

